

Liebesbrief

Text und Musik:  
Jacob Stüchelberger

Em9 Em Em9 Em Em Am  
Bim Ruu - me fällt mir e Lie - bes - brief vo

9 D D7 G B7 Em Am7  
mir a di y d'Händ so mängs tönt ko - misch so mängs tönt schief es

17 C#dim B7 E G# G#7  
rüe - rends Do - ku - mänt du bisch di Schön - schti hie uf Är - de  
lieb - ti Wort wo ü - ber bor - de

25 C#7 F#m B7 E C#7  
s'cha ke Schön - ri cho und sött - tisch hun - dert jäh - rig wär - den  
ä - be schie - fi Tön grad hun - der - ti bisch non - nig wor - de

33 F# B7 E  
ischs gwüs den' - no so ver - im - mer schön  
doch'stimmt: bisch

4. Strophe Schluss  
B7 E

1. Bim Ruume fällt mir e Liebesbrief  
vo mir a di y d'Händ  
so mängs tönt komisch so mängs tönt schief  
es rüehrends Dokumänt

du bisch di Schönschti hie uf Aerde  
s'cha ke Schönri cho  
und söttisch hundertjährig wärde  
ischs gwüs den' no so

verliebt Wort wo überborde  
äbe: schiefi Tön -  
grad hundert bisch noni worde  
doch 'stimmt: bisch immer schön

2. Chli später steit i däm Liebesbrief  
im Brief vo mir a di  
das i für di ume Globus lief -  
s'wär nid grad ds gschydschte gsi

denn stell dir vor i wäri gloffe  
wäri chum wyt cho  
und dāwä uf e Liebi z'hoffe  
isch es Apropos

doch allwä würdi hüt no loufe  
rund um d' Wält - ou z'Fuess  
um vo dir dy Liebi z'choufe -  
bi froh das i nid mues

3. Di nächschi Syte vom Liebesbrief  
vom Brief a di vo mir  
verratet was i nid alles chief  
natürlech alles dir:

es Chünigsschloss drumum e Garte  
zmits drin e Teich  
und für di z'schütze Leopard -  
würklech bireweich

nei hüt chouf i was nid so tüür isch  
e Mantel wo mues sy  
den s'dünkt mi mängisch das du früürisch  
s'isch mer ärscht derby

4. Und so hört schliesslech my Liebesbrief:  
i träge di uf Händ  
denn weisch i liebe di heiss und tief  
bis a mys Läbesänd

öb i di hüt no mögti träge  
zwyfle sälber dra  
bisch gwüs nid z'schwär doch s'isch vo  
wäge  
d'Chreft sy nüm so da

s'tönt hufe schief mängs isch drnäbe  
was i gschribe ha  
doch gärn ha bis a ds Änd vom Läbe  
wohl - das lani stah